

live news items such as the PACIFIC VOICE, ...
Hafa Adai ...

Pacific Voice 9-12-76
(Ginen i pahina 4)

Mapresenta i planun i Gimayuus Kristo Rai gi Konseheron i Diocesis gi ma'pus na semana, gaige gi kanai i enhiniero para estudio, esta guaha siha materiat tat komo soule frame manmato, ya maapupunta na u guaha "ground-breaking" gi fin de Oktubre gi Gipot i Kristo Rai.

Tananae dangkulu na Si Yuus Maase si Msgr. Tomas Camacho, yan i taotao Saipan, kololo'na i taotao Garapan pot este na manifestasion i hinenggen-niha para i Kristo Rai, pot este na guinaiya para si Yuus yan gineftao, pot este na inangoko na este na klasen programa gaige i prinsipat na punto-na i para i adelanto i linala' i Hinenggen Katoliko giya Saipan yan para todos i Diocesis Hagatna. Magahet, sa' guaho mismo lumii, na sumen na'magof i espiritun i taotao Garapan, i kooperasion-niha, yan i gineftao-niha para si Yuus.

Yangin guaha taotao otro banda, tat komo Guam para i otro Islas Marianas manmalago' manmanayuda guine na bonito cho'cho', natungo ha' si Monsignor Tomas Camacho, gi Catholic Mission, Chalan Kanoa, Saipan, M.I.

ENORABUENA PARA I TAOTAO I BI-LINGUAL:

Mafaisen para bai hukuentuse i taotao i bi-lingual, Chamorro yan Englis, gi Depattamenton Edukasion gi ma'pus na semana, ya magahet na manmagof sa' sumen negai gi maestra siha maninteresao para u makonsige i programa ni i sina prumotehe i lenguahe yan i kulturán Chamorro. Metzot este na programa gi eskuelan pupbliko ya esta guaha tres entre i eskuelan Katoliko, i Mt. Carmel, Agat, Santa Barbara, Dededo, yan Cathedral Grade School, anai guaha este na programa i bi-lingual.

Impottante este na programa, lao ni achok ha' taimano manmanaguen niniha i famaguon pot i lenguahen yan kostumbren Chamorro gi eskuela, ya taya' kooperasion ginen i manaina, pat taya' na mapraktika i fino' Chamorro, pues diniroroga ha' i adelanton este na edukasion. Manaina, kololo'na i manhoben, munga madespresia i fino' Chamorro, munga manmalefa, fana'gui i famaguon-miyo, ya tingo na mientras mas man maolek siha gi fino' Chamorro, mas sina makonprende i fino' Englis.

Language
Chamorro
TEMA LENGUA CHAMORRA